



Inatsisartunut ilaasortaq,
Jens Danielsen, Siumut

Piorsarsimassuseq tunngavigalugu pisassiissutit pillugit § 37 naapertorlugu apeqquteqaat

Dato: 10-02-2021
Sagsnummer: 2021 - 2681
Akt nr.: 15957048

Piorsarsimassuseq tunngavigalugu pisassiissutit pillugit Naalakkersuisunut § 37, imm. 1 naapertorlugu apeqquteqarputit. Apeqqut suliassaqaarfinit akisassanngortinneqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

- 1. Inatsisartut inatsisaanni nalunaarutinik malittarisassanilluunniit aalajangersakkatigut allanngortitseqqartaariaqarnerluni piorsarsimassuseq najoqqutaralugu Qaanaap eqqaani, Qimusseriarsuarni, Ittoqqortoormiit Kangerlussuani nannunik qilalukkanilluunniit ukiumoortu-mik pisassiissutaareersut saniatigut pisassiisoqassappat?*

Akissut 1)

Pisat qanoq agguanneqarnissaat pillugu Piniarneq aallaaniarnerlu pillugu attuuttumi § 4, imm. 1-3, § 5, § 7 aamma § 8, imm.1, nr. 4-mi aalajangersakkani allassimapput. Aalajangersakkat taakku Kalaallit Nunaanni tamanut atuupput. Maleruagassat atuuttut nunap immikkoortuini tamaani assigiimmik atuupput.

Erseqqinngilaq qanoq "piorsarsimassuseq najoqqutaralugu pisassiineq" paasineqassanersoq aamma nassuiaaserneqassanersoq, piniarsinnaanermut aamma aallaaniarsinnaanermut inatsimmi suussuilerneqarnikuunngimmat aamma nassuiaaserneqarnikuunngimmat. Inatsimmi aalajangersimasumik aalajangersagaqanngilaq pisassiissutip ilaa "piorsarsimassuseq najoqqutaralugu pisassiissut"-itut taaneqarsinnaasumik.

Naalakkersuisut inuussutissarsiutigalugu piniarneq, sunngiffimmi piniarneq akiliisitsiluniluunniit piniarneq pineqarnersoq apeqqutaatinnagu uumasogatigiinni killigitat aamma/imaluunniit kommuninut / aqutsiveqarfinnut assigiinngitsunut agguarlugit ataatsimut pisassiissutinik aalajangersaasarput.

Pisassiissutit Naalakkersuisut aalajangersagaat kommuninut ataasiakkaanut piniartut immikkoortuinut marlunnut agguasseqqissinnaasunut pisassiissutigineqarsinnaapput, tassunga ilanngullugu pisassiissutit ilaannik piniariaatsinut aalajangersimasunut pisassiisarneq, soorlu piorsarsimassuseq tunngavigalugu qajaq atorlugu piniarnikkut. Takujuk Qilalukkanik qaqqortanik qernertanillu illersuineq piniarnerlu pillugit Namminersorlutik Oqartussat nalunaarutaanni nr. 3, 27. januar 2017-imeersumi § 12.

§ 12, imm. 6-imi Qimusseriarsuarmi eqqissisimatitsiviup 1-ip iluani qaannat tuukkallu atorlugit atornerqarnissaannik piginnaatitsisoqarpoq, tamannalu kulturikkut kingornussatta ilaatut paasivara.

- 2. Piorsarsimassuseq najoqqutaralugu Qaanaami eqqaanilu, Qimusse-riarsuarmi Ittoqqortoormiillu Kangerlussuani nannunniarnermut qilalugarniarmullu massakkut pisassissuutit atuute-reersut avataatigut amerlassusiliisoqassappat, Nunatta nunarsuarmio-qatigiinni pisussaaffiunut unioqqutitsineratut isigineqarsinnaava?*

Akissut 2)

Pisassiissutit suullunniit nungusaataanngitsumiik piniarnissaq malillugu pisassiissutit aalajangersarneqareersut saniatigut pisassiissutissatut aalajangerneqartut nungusaataanngitsumik piniarnissamik tunngavik / mianersornissamik tunngavik malinneqarnissaat pillugu isumaqatigiissummi atsiorneqarsimappat nunat tamat akornanni pisussaaffinnik uniuinermik kinguneqarsinnaavoq. Nungusaataanngitsumik piniagassatut pisassiissutit qaavisigut pisassiilluni amerliliineq, piniakkat annertuallaamik piniarneqarsinnaanerannik sumiiffimmi peqassuseq appariartulersinnaavoq ajornerpaaffianilu piniagassat sumiiffimmi nungunneqarsinnaallutik.

- 3. Uumasut pisarineqanngitsuukkat (piniagassat allat ilanngullugit) 2020-ip naanerani Qaanaap eqqaani suuppat?*

Akissut 3)

Nannut eqqarsaatigalugit ilisimatitsissutigineqarsinnaavoq piniakkat killilerneqarfiani Kanep Imartorngani, tassunga Qaanaaq ilaavoq, 2020-ip naanerani nannunik pisassiissutit katillugit arfinillit pisassiissutinit sinnerussimallutik.

Aarrit eqqarsaatigalugit ilisimatitsissutigineqarsinnaavoq Avannaani Imartami piniarfimmi Qaanaap ilagisaani aarrit pisassiissutaasunit nalinginnaasunit pisarineqanngimmata, akerlianilli taamaallaat 2019-imi pisassiissutinit nuutaniit pisaallutik (carry-over). Qaanaami 2020-p naanerani aarrit katillugit 143-it pisassiissutinit sinnerupput.

Qaanaap eqqaanut tikaagullik ataaseq pisassiissutigineqarpoq. Pisaqartoqarsimaneramik nalunaaruteqartoqanngilaq. Piffissap ingerlanerani piffissami 1983-imiit 2020-mut tikaagullit taamaallaat sisamat pisarineqartutut nalunaarutigineqarnikuupput.

Peqatigitillugu ilisimatitsissutigineqarsinnaavoq tutut pisarineqartut 2020-mi nalunaarutit utertinneqartut malillugit Inglefield Landimi 86-t pisarineqarsimasut, Prudhoe Landimi 81-it pisassiissutinit sinneruttut aamma Olrik Fjord-mi pisassiissutit killeqaratik. Aprilip 30-iat 2021 tikillugu tutunniartoqarsinnaavoq.

Umimmanniarnermut pisassiissutinit sinneruttut pisanik nalunaarutigineqarsimasunit 2020-p naanerani Inglefield Landimi aamma Prudhoe Landimi katillugit 55-iupput kiisalu Kap Athollimi 33-ullutik. Aprilip 15-iat 2021tikillugu umimmanniartoqarsinnaavoq.

Sumiiffimmi (zone) 1-imi aamma sumiiffimmi 2-mi (litah aamma Qaanaaq) qilalukkat qaqortat qernertallu eqqarsaatigalugit 2020-p naanerani pisassiissutinit qilalukkat qaqortat arfineq pingasut aamma qilalukkat qernertat arfinillit (Qaanaami marluk litah-milu sisamat) sinnerupput.

Qilalukkanik qernertanik pisassiissutinit ataaseq 2020-mi ukiakkut sunngiffimmi piniartumit atornerqarpoq unioqqutitsillunilu pisarineqartut marluullutik, taamaasillunilu Qaanaamut (sumiiffik 2) qilalukkanik qernertanik pisassiissutinit sinneruttut marluupput.

4. *Tassunga tunngatillugu Naalackersuisut soqutiginaatilinnik allanik taasassaqarpat?*

Akissut 4)

Qilalukkat qaqortat 105-it Qaanaami 2019-imi pisarineqarput, tassani teknikkikkut pisassiissutit ukiumut 20-nut aalajangerneqarnikut. Tassa pisassiissutit aalajangerneqartunit qilalukkat qaqortat 85-it missaannik amerlanerusut pisarineqarput. Nalunaarutigineqarpoq 1,2 mio. kr.-t nalinginik 2019-imi tunisisoqarsimasoq.

5. *Puisit amiinik tigioqqaavittut atuutsilertussaq Avannaata Kommunanit pisiarineqarsimasoq atuutsilersinneqarnissaanut suliassaq sumut killippa?*

Akissut 5)

Great Greenland ilisimatitsinikuvoq Qaanaami tunisineq aallartinneqarnikuusoq.

6. *Puisit amiinut tigooqqaavissap atuutsilernissaannut aaqqittariaqartut suut aporfiuppat?*

Akissut 6)

Suliffeqarfiup Qaanaami tunisinerup ammaqinneqarnerata kingorna Qaanaamiinikuunnginamik illup qanoq issusia ilisimangilaa.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalackersuisoq